

ՅԱՂԱԳՍ ԱՆԳԻՏԱՑ

Սոսո խօսելոյ զքանս անպիտանս և հսկառաս կալ իմաստնոց .

Ֆրիաթ կանչեմ ¹ հաղար ' և ահեղ հառաչ բերեմ լալով,
ի յանգէտ մարդկան ձեռաց զհոգիս երեմ' անշջ' հըրով.
Եմ' յիմար դարձել ու խեւ ու սաւդայի ² ի շուրջ գալով,
Եւ վասն էշ ու անյիմայ ոմանց հանեմ զհոգիս շուտով:

Ես չունիմ հանգըստութիւն . և յերակ ³ խոցիմ անգէտ խօսով,
Ջերայ ⁴ չեն ցուցնել զբաննն պիտանի ու խորհըրդով.
Ջի սուրաթէ են թէ սիֆաթ ⁵, կան կենդանի ու չեն հոգով,
Եւ չունին աչեր մտաց եւ ոչ խօսին ի մարդ սիրով:

Ատեն զմարդն իմաստուն, յիմար կոչեն ու ծուռ ճանփով,
Ծածկել են ըզգործն աղէկ ու վատ անուն հանեն շուտով.
Եթէ սուրբ և առաքինի լինին ոմանք բոլոր սրտով՝
Են նոցա խիստ հակառակ ով է անսուրբ ու պեղծ գործով:

Աղէկին վատն է ատող, և ի հետ բարւոյն չարն է նենգով,
Եւ անգէտն ոչ կամենայ զմարդն իմաստուն որ կայ բարով.
Թէ խօսիս քաղցր եւ անուշ բան մի երկուս յինք խրատով
Նա հեռի փախի ի քէն եւ չընդունի ըզքեղ սիրով:

Ջիմաստունն ով է յաղթել, թող թէ հընար բերեն չարով,
Կամ զուգեն բանք աղտեղի եւ բամբասեն սուտ խօսելով.
Նա լոյս է եւ նա խաւար, որ չըկայ հնար մերձենալով,
Ջի յիրմէն փախչի հեռի՝ ի խոր տեղիք բընակելով.

Խաւարին գործն՝ ի խաւարն է հաստատեղ՝ ծածուկ կալով.
Նա լուսոյն երբ երեւի՝ վախէ յայտնել զինք բանալով.
Եւ անգէտ խօսքն ի յանգէտ մարդիկն ի մօտ է զիմաթով ⁶.
Եւ չունի իշխանութիւն առ իմաստունս երեւելով:

Ով լինի իմաստնոյն ինք հակառակ՝ չար կամելով՝
Նայ հանց տես թէ լեալ Յուդա, եւ զնա խաչէ չարչարելով.
Ով խօսի բանք աղտեղի դէմ՝ ի յարդարըն կատիկով՝
Աստուծոյ է մեղանչել եւ կործանի նա մեծ չարով:

1 Բողբեմ:

2 Սէլայի. Մաղձոտ:

3 Եղտով:

4 Վասն զի:

5 Երեւք, դրսի կերպարանք:

6 Յարգի պատուական:

Իմաստունն է առաւօտ , աւետաւոր է ցնծալով ,
Իսկ անմիտն ի խաւարի կայ թանձրացեալ յերազ քընով .
Իմաստունն արեգական պէս է պայծառ եւ լի լուսով ,
Իսկ անմիտն է խաւարի տուն եւ տեղի , եւ լի ցաւով :
Իմաստունն է բուրաստանք ծաղկով լրցած գոյնըգոյնով ,
Ի անմիտին սիրտն է ի լի մութն ու մըլար սառնամանով .
Իմաստունն պտուղ բարի՝ անմահութեան ճաշակ տալով ,
Իսկ անմիտն է անպլտուղ դատարկացեալ եւ լի փրշով :
Իմաստունն է յաշխարհէս ինք յագեցել անարգելով ,
Իսկ անմիտն է ցանկութեամբ զինք բորբոքել սրտի սիրով .
Իմաստնոյն միտքն առատ խիստ լիութեամբ կուշտ եւ ուժով ,
Ի անմիտն է քաղց ու ծարաւ , ալն է ագահ եւ լի սովով :
Իմաստունն է ճանապարհ ճշմարտութեան ինք գընալով ,
Իսկ անմիտն է կոյր մըտօք՝ ի խորխորատ անգեալ ւ ի ծով .
Իմաստունն ոչ երկընչի թէ հարկանեն զինքըն սըրով ,
Բայց յանգէտ մարդու խօսից խոցի հոգւով ու մարմընով :
Զի անգէտն եւ անըգգամն Աստուած չունի ինք գիտելով ,
Որպէս տէրըն մեր Գրիստոս անարգեցաւ չարչարելով .
Ոչ ետես զանգէտն արժան՝ որ զինք յայտնէր ճանաչելով ,
Այլ եթող ի խաւարի կոյր ւ անյիմայ մեռած հոգւով :
Յարեմէն սուրբ Աբելի մինչեւ ցայսօր ձեզ նշանով ,
Մարգարէք եւ առաքեալք եւ զինչ ընտրեալ սուրբք Աստուծով՝
Զայն քարով քարկոծեցին , եւ կիսեցին զոմանք սըրով ,
Եւ չմնաց մարդ ի յերկրի՝ որ ինք կացել էր հրամանով ¹ :
Բովանդակ աշխարհս է գայլ , եւ միաբան կան մի ժողով ,
Նայ գառին ո՛ր կայ հանգիստ մէջ գալենուն ինք կենալով .
Ով խելօք է եւ ուղէ զինք կենդանի սրտի կամով՝
Թող լինի ի յաշխարհէս ինք անծանօթ հրաժարելով :
Ով փառօք ինքն երեւի յաչքս մարդկան մեծ պատըւով ,
Եւ սիրէ փաթամութիւն եւ ընդունի զինք գովելով ,
Երբ լըսէ նախատանաց բանք յօտարաց վասն իր տալով՝
Նայ խոցի հանց մահուան որ չբժըշկի այլ նա դեղով .
Իսկ որ սուրբ է , անարատ , եւ յերեսաց չէ ինք գործով՝
Թէ գովեն զինք՝ ոչ խնդայ կամ տրտմի բամբասելով .
Թէ աղքատ իր հանդիպի կամ թագաւոր ոսկի թաճով՝
Հաւասար մէկ տեսանէ՝ նման միմեանց ոչ զատելով :

1 Օրինապահ մարդ չմնաց :

Ի՛նքնմիտ, երբ դու չունիս քեզիկ բաժին իրք նաղըրտով¹,
Եւ չըկայ առ քեզ գանձի տեղ կամ քսակ երկու փողով,
Դու հնազանդ էր չկենաս իմաստնոց՝ քիչ խօսելով,
Որ յամեն պահ չերեւիս մերկ ու դարտակ եւ ամօթով.

Երբ չունիս խալաս² ոսկի, զի ես պղինձ օծած ոսկւով,
Դու ընդէր մօտ ի մահաբն³ յայտնի լինիս պարզ երեսով.
Եւ զայլոց խալաս ոսկի՝ որ փորձած է հազար հըրով՝
Կամենաս գալալի⁴ զուգեւ զայն՝ որ ընտրած էր մահաբնով, —

Լաւ է ինձ մէջ գազանաց մարդակերաց բընակելով,
Քանց անմիտ մարդ. և անիմաստ որ յիս խօսի անգէտ բանով
Անդիտին միտքն է տրկար եւ չունի զ ուլ⁵,
Կամ թէ մի պահ համբերէ երկու խօսից միտ դնելով:

Կոտանդին, էր կաս աղար⁶ և ի սիրտ ելնես թէզ մը շտապով.
Վասն անգէտ և անմիտ ոմանց՝ զմեզ էր տանջես շատ ցընորով.
Ոչ կարես հաւան պահել դու զամեն մարդ հետ քեզ սիրով⁷,

Թէ կամիս հանգիստ կենալ, որ չըմաշես դու գըքզ հոգով,
Մի փառաց դու հետեւիլ, մի անգանիլ անեղր ի ծով.
Զի ծովուն ոչ կայ հանգիստ, յերակ ծրփի յալիս քամով.
Ի ուլ հողոյն բաժին լինի՝ այլ չհաստատի ինք կենալով:

ԿՈՍՏԱՆԴԻՆ ԵՐԶՆԿԱՅԻ

Դգալ և Պատրաստաբաղ.

Մեր նախնեաց պատուոյն համար
պէտք է կարծել որ դգալին և պատա-
ռաբաղին ծագումը ժամանակաց գի-
շերոշանը մէջ կը կորուսի: Արժան էր
որ մաքրութիւնը ծնանի մարդու հետ.
բայց այնպէս չեղաւ:

Եթէ դիմենք պատմութեան կը տես-
նանք որ մարդիկ շատ ուշ ունեցած են
մաքրութեան խնդիրներուն վերաբե-
րեալ յստակ գաղափարները. նոյն իսկ

մեր օրերը կ'երևայ որ այս խնդրոցս
մէջ կան շատեր որոնց լուծումը դեռ
խիստ անկատար է:

Այսպէս է զոր օրինակ դգալներուն
և պատառաբաղներուն մեծ խնդիրը:

Կարդանք պատմութիւնը:
Նկատմամբ դգալին՝ վաւերական վը-
կայութիւնները կը պակսին: — Այն կէս
պինդ կէս ջրի կերակրոյն սովորութիւնն
որ Բան կամ արպոշը կ'ըսուի թէ ար-
դեօք հնոց ծանօթ էր՝ անկարելի է հաւ-
տատելը:

Սպարտացիք կ'ապրէին սև ուտելի-
քով մը որ աւելի պինդ քան թէ ջրի
էր, մսէ և արիւնէ զանգուած ու հա-

1 Դագալ, պատրաստ (ստակ):

2 Խալա, անխառն, մաքուր:

3 Փորձաբար:

4 Դալալ, սուտ (ստակ):

5 Աւրուած էր օրինակը:

6 Դեղացած, տրամած:

7 Տող մը կը պահուի հոս: